

محمد مكاوى

ولا عمرى

أشعار بالعامية المصرية

الطبعة الأولى يناير 2018

بطاقة الكتاب

المؤلف : ولا عمرى
المؤلف : محمد مكاوى
التصنيف : أشعار بالعامية المصرية
رقم الإيداع : 2018-2453
عدد الصفحات : 102 صفحة
رقم الإصدار الداخلي : 118
تاريخ الإصدار الداخلي : يناير - 2018 الطبعة الأولى
الإشراف العام : الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب إلا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



دار
النيل والفرات
للنشر والتوزيع
أسسها الشاعر ناجى عبد المنعم

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 01-35-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
[alnilwaalfourat](https://www.facebook.com/alnilwaalfourat) alnilwaalfourat@gmail.com
المقر الرئيسي: ج.م.ع. محافظة الشرقية - الحاضر من رمضان - مجاورة 13 - أمام سنترال 13 - مقار 304

إهداء

.....

الى القلوب العاشقه

الى العيون الضاحكه

الى القلوب التى لم تكمل الطريق

الى العيون التى تبحث عن رفيق

الى السهارى الى الحيارى

الى القلوب التى احبت

الى القلوب التى هربت

الى القلوب التى تتمنى ان تحب

اهدى كلماتى

الشاعر محمد مكاوى

وتدور الدنيا

.....

و تدور الدنيا بينا
و تغير احلى ما فينا
ترمى الحزن ف سكتنا
و تسرق فرحة ليالينا
و تاخذنا من جنتنا
وف قلب النار ترمينا
و احنا مكتوب علينا
نمشى المشاوير يا زمان

.....

هى حياتنا مرسومه
فيها المقادير محسومه

و معاها احلام باقيه
و ساعات بتكون معدومه
و بتمشى زى سفينه
عايمه على دمع عينينا
وف وسط بحور الغربه
بتجبنا و تودينا
و احنا مكتوب علينا
نمشى المشاوير يا زمان

.....

و تدور الدنيا بينا
و توه فيها خطاوينا
ولا نعرف فين او امتى
الدنيا هترسينا
و احنا عايشين فى توهه

ظلمونا او ظلموها
ولا رحمونا الخلاق
يا عيني ولا رحموها
و احنا مكتوب علينا
نمشي المشاوير يا زمان

أرجوك

.....

ارجوك لو تسمح من فضلك

اديني فرصه اشرحلك

انت اللي ف بالى و خيالى

وانت اللي مسهرنى ليالى

ونجومى تشهد على حالى

وبشوفك ما اقدرش اندهلك

ارجوك لو تسمح من فضلك

اول ما لمحتك و رأيتك

ازاى من نظره انا حبيتك

ان كنت طريقى انا مشيتك

دانا ياما ف احلامى ناديتك
و نفسى اتكلم ولا بقدر
عن حالى اعبر و اوصفك
ارجوك لو تسمح من فضلك
صدقنى انا عمرى ما بكذب
بأغانى وكلام مترتب
دانا شوقى دايمى كدا يغلب
و ياريت بهوايا بس تحس
و اتمنى شعورى يوصلك
ارجوك لو تسمح من فضلك

وحياة غربتنا

.....

وحياة غربتنا

تاقت خطوتنا

و معاها توهنا

توهنا ف سكتنا

لا شوفنا قمرنا

ولا بسمه جارنا

ولا حد يفكر

يسمع شكوتنا

اسرح بخيالي

القاءك يا غالى

واقف مستنى

برضه ف حتننا
من يوم ما بعدنا
ونسينا عيدنا
تاht من ايدنا
فرحة دنيتنا
و حياة غربتنا
وتوهتنا فيها
بكره راح ننسى
قسوة لياليها
و ترجع نجمتنا
تسهر ف لياتنا
و نرجع من تانى
نمشى ف سكتنا
و حياة غربتنا

ما تصدقیش

.....

ما تصدقیش ولا قصه

ف فیلم ماتصدقیش

الحب لوحده مايكفیش

علشان نعیش

لو طار عصفور

لازم يكون ف جناحه

ریش

ایاکی تعیشی یوم

ف الوهم و ماتفوفیش

عمرنا ما سمعنا

ان الحب بیاكل عیش

و هنسكن فين
وانا قلبي لوحده مايقضيش
صحيح بحبك بس الحب
ما بيشتريش
هايجي يوم هصرخ
واقولك ممعايش
وساعتها فين
حب السنين ماتلاقيش
ماتصدقيش ولا قصه
ف فيلم ماتصدقيش

ولا عمرى

.....

ولا عمرى ف يوم هندم عليك

ولا قلبى راح يشتاق اليك

ولا عمره يهرب م الضلوع

ولا عمرى هغرق ف الدموع

و يوم ايديا ما تسيب ايديك

لا يمكن افكر ف الرجوع

.....

مش هتنفس تانى هواك

و يوم ما تغيب انا هنسى هواك

انت اللى نهيت قصتى وياك

ومشيت ونسيت ان انا موجود

و يوم ايديا ما تسيب ايديك

لا يمكن افكر ف الرجوع

.....

انا عندي الفرحة مع الدمعه

والليل يبقى نهار من شمعته

و اهات الجرح بقولها نغم

ولا بكا في فراق ولا حتى ندم

و ان جيت احن لبحر هواك

هفرد على مركبتى قلوب

يا خساره نهيت قصتى وياك

و مشيت ونسيت ان انا موجوع

و يوم ايديا ما تسيب ايديك

لا يمكن افكر ف الرجوع

همسات

.....

مع انك غايب عنى بعيد
وانا قلبى مش شايفك و وحيد
مع قلبك قلبى بيتقابل
فى دقة قلب وتنهيد
مع قلبك يا حبيبى بتقابل
دايما كدا من غير مواعيد
قلبك من غير مواعيد
بيجبنى على موج البحر
يحضن قلبى و ايد ف الايد
ينقش اسمه فوق الصخر
يفضل يعلا و يعلا لفوق

يعلا قد جبال الصبر
لا يا حبيبي زى الشمس
و اسمع صوته زى الهمس
شدو بلابل غنا عصفير
و ف الدنيا الواسعه اطيير
و ياخذنى وياه لبعيد
وانا قلبى مش شايفك و وحيد

محتاره

.....

محتاره ف عيونك محتاره

مش شايفه ولا اى اشاره

ساعه بتقول انى حبيبك

و ساعات تهرب بشطاره

بيعيشنى ف جنبه هواك

و القاك نار حاميه شراره

.....

يانى عينيك بتاخذنى لفوق

القانى ويا السحاب

و تروح نازله ف بحر الشوق

و بعد دا كله نكون اغراب

بیعیشنی ف جنه هواك
و القاك نار حامیه شراره

.....

لما بحس عینیک خاصمتنی
بجرى عليك و بقول وحشانی
ایاک یوم تبعدهم عنی
هما حیاتی وکل کیانی
بیعیشنی ف جنه هواك
و القاك نار حامیه شراره

دیمو دوم تیکی

.....

دیمو دوم تیکی

دیمو دوم تیکی

دخلتی قلبی و سځ علیکی

و ادی دقاته و کل آهاته

و سنین عمره وهبها لیکي

دیمو دوم تیکی

لو تقفلی علی نفسک باب

او تهربی منی ف سرداب

طب جربی یا اغلی الاحباب

تلاقینی اقرب منك لیکي

دیمو دوم تیکی

لو يحرس بابك كام جنى
اعرفى حاجه مهمه عنى
انا ف الطبع عنيد اكمنى
لا بسلم ولا برفع رايه
و الدنيا بتيجى على هوايا
و دا انذار يا حبيبتى ليكى
ديمو دوم تيكى

قلبی بیہرب

.....

عایز اہرب

من بحر عینیکی

من موجہ

حدفتنی علیکی

لکن کل ما قلبی یہرب

القاہ یہرب

منک لیکی

بکتبک احبک

ع المیہ

و استنی اما الموجہ تعدی

و ارجع اکتبک

بإدیا و ادعی یا رب

الموجه تهدی

.....

على شطك اقعد ع الرمله

دا ف قربك الدنيا احلى

و ف حبك هیکون لى

رحله

ولا ههرب من بحر عینیکى

قلبی بیهرب منك لیکی

قلبی بحار

.....

قلبی بحار
وسط التیار
یرکب مرکب
جوه عینیکی
بحرک غدار
ملیان اسرار
لکن مکتوب
ارسی علیکی
لفیت ف بحار
ولا لیها قرار
واحلف ما لاقیت

زى عينيكي

.....

موجك عالى

حلم و غالى

ومكتوب من فوقه

اناديكي

و ان يوم طالت

بيا ليالى

و ان ماقدرتش

مدى ايدىكي

لفيت ف بحار

ولا ليها قرار

واحلف ما لاقيت

زى عينيكي

.....

قلبی هواکی

وف دنیاکی

عایش بحار

جوه سفینہ

بینف ویرجے

للمینا

یرجعلک و ینادی

علیکی

لفیت ف بحار

ولا لیها قرار

واحلف ما لاقیت

زی عینیکی

لو غير عینی

.....

لو غير عینی

عیون یشوفوکی

قلبی یغیر

ای شفایف

لو ینادوکی

عقلی یطیر

ایوه بحبک

وبقولها وبعلو الصوت

انا خایف لتروحي منی

و حبی یموت

.....

لو عايزه اثبتك
حبى اثبتھولك
شوفى حبيبتي
يرضيكي ايه
وانا اعملھولك
عمرى بحاله
اھو علي ایدی بقدمھولك
لكن واحد يجى
و ياخذك مش ھينولك
ايوہ بھبك
و بقولھا و بعلو الصوت
انا خايف لتروحي منى
و حبى يموت

.....

لو تطلبی
اتحدى العالم اتحداه
رغم ان انا
يا حبيبتى مسالم
راح اقول آه
و سلاحى ف ايدى
شوق العمر وحب كبير
ايوه بحبك
حبك بالنسبه لى مصير

علشان کلمه

.....

علشان کلمه
قالوها الناس
جای بتقوللی
نفارق بعض
انت ماشوفتش
غیر اخلاص
لیه یا حبیبی
تصدق حد
و بعد ما شوفت
الفرحه معایا
و بعد ما شوفت

هنايا معاك

ازای قلبك

ينسى هوايا

و ازای قلبی

هينسى هواك

.....

بتقول ليه

يا حبيبى وداع

هتفوت ليه

الدمع ف عينى

ليه دلوقتى

قلبك باع

بعد ما كان

طول عمره شارينى

و بعد ما كانت

الدنيا معايا

بتنور شمعاه

ف يوم عیدی

ليه دلوقتی

تروح الدنيا

ليه الدنيا

تروح من ایدی

وبعد ما شوفت

الفرحه معايا

و بعد ما شوفت

هنايا معاك

ازای قلبك

ینسی هوایا

و ازای قلبی

هینسی هواك

.....

اتمنیت وانا

ف المشوار

اعیش احبك

لیل و نهار

عایزنی ابعء

طب اعیش لمین

یا اجمل حلم

حلمته زمان

تعالی نرجع

تانی عاشقین

قمرنا لسه

اهو سهران
ونعیش للحب
وبالإحساس
وبلاش نسمع
يوم للناس

حكم الدنيا

.....

مش بایدینا
نفارق بعض
دا مش بایدینا
حکمتی یا دنیا
و حکمک لازم
یمشی علینا
و امرتی و قولتی
ننسی زمان
و کمان لیالینا
و نعیش بکره
و بکره الجای

دا مش بادینا

.....

مش بایدیا

امشی ف سکه

حبیبی مش فیها

غریب و لوحدی

بعد ما کان

ف حیاتی مالیها

لا دا یا دنیا

مش بایدیا

و مش بایدیه

القی ف ثانیه

بدمع عیونی

ببکی علیه

و نطفی شمو عنا

بدمعه حزینه

مش بایدینا

.....

نفسی اشوف

ف عینیک الفرحة

قبل ما اسیبک

بطلب منك

و دا طلبی

وانا لسه حبیبک

و اوعدنی بانک

مش راح تبکی

بدمع العین

حکمت دنیتنا

و ایه مخبیه
مش عارفین
یمن شمسنا
تطلع تانی
و تدفینا
و نعیش بکره
و بکره الجای
دا مش بایدینا

برغم بعدادك

.....

برغم بعدادك عنى

شفافى بتناديك

يجى ميعادك

تسبقتى عينيا

تطل عليك

دا كفايه حرام

انا رمشى ما نام

صاحبته دمعايا

وان كان يرضيك

تعالالى ف منام

و الاسم معايا

يا ترى هيچينى
يقول سامحينى
و يطلب ودى
و يكون ف صفى
و يقوللى صفى
نحلها ودى
دى سنين
عدت قوام
ولا مره قولنا كام
يا حزن ليه تعدى
دا كغايه حرام
انا رمشى ما نام
صاحبته دمعايا
وان كان يرضيك

تعالالى ف منام

و الاسم معايا

.....

على دقة قلبى و صوته

من بينك يا ضلوعى

م الفرحة اتحزمتى

و رقصتى يا دموعى

شايفاك واقف قدامى

بتقوللى رجعت وجيت

و منين ترجع يا حبيبى

هو انت كنت مشيت

انا اللى كنت بحلم

و خلاص من نومى صحيت

خلاص من نومى صحيت

أتحداك

.....

اتحداك انك تنساني
اتحداك لو تنسى مكانى
يمكن قلبك مره يقسى
لكن لازم ترجع تانى
تقدر يا حبيبى تتحدانى

.....

عنوانى هو عنوانك
اتحداك و اتحدى زمانك
راح تفضل
واقف ف مكانك
ببساطه مخلوق علشانى

تقدر يا حبيبي تتحداني

.....

لف الدنيا

و روح اتعلم

هتوه وهتبيكي و تتألم

هتدور بعينيك

على سكه

و مش هتلاقى

غير احضاني

تقدر يا حبيبي تتحداني

قلبی یللی صبحت علیل

.....

قلبی یللی صبحت علیل

من بعد غدر حبیبک بیک

بتدور ف ضلام الیل

علی نجمه تنور لیالیک

تونس وحدثک

و تسمع شکوتک

دا انت جرحک ماله مثیل

.....

عیونه کانت

عامله بریئه

بتقول بحبک

كل دقيقه

اتارى الحب

دا كان تمثيل

ما كانش فيه

على حبه دليل

وبعد الفرح يا قلبى جرح

دا انت حبك ماله مثيل

.....

الحزن يا قلبى جواك

مش هتشوف

ابدا افراح

مهما تروح

راح يجى وراك

ف ليالى مليانه جراح

مکتوب علیک

لیہ یا قلبی

تمسح ف دموعک و تخبی

و تعیش فی لیل

من بعد لیل

دا انت جرحک مالہ مثیل

ما فيش منك اتنين

.....

الاقى تانى زيك فين

دا انت مفيش منك اتنين

خايفه من الناس

ياخدوك منى

ولا ف ثانيه

يقوموا حسدنى

علشان كدا

شايلاك ف الننى

و يوماتى بقرا المعوذتين

الاقى تانى زيك فين

.....

ان جم سألونی

مره عليك

انا كل حیاتی

ملك ایدیك

وان سألونی

ایه الدنيا

یا حبیبی كل الدنيا عینیک

الاقی تانی زیک فین

.....

مهما تكون

سکتنا طویلہ

القمره ف سهرتنا جمیلہ

وانا حبی ابدًا مش عادی

ان غبت ف لیله

عن عینق
ما تنامشی العین
اللیلہ دی
الاقی تانی زیك فین

ضياع

.....

معنى الضياع

كلمة وداع

رعدة شفائف

كام قلب باع

كام قلب خائف

وقت الغروب

من غير شموع

العين تدوب

وسط الدموع

وقلب يهرب

جوه الضلوع

وتوه خطاوى
ويضيع عنوان
وتموت غناوى
ف ليل حرمان
و ننسى الطريق

مین الی قال لك

.....

مین الی قال لك قرری

انك على بعدی تقدری

لو عقلك كان

قال لك كدا ماتصدقیش

لو غبتى يوم زى سنه

هنساكى من قلبى انا

ولو ناويه فعلا ترحلى

اتفضلى و ماترجعیش

.....

ولا عمر عیونى هتدمع

او حتى هتذل و اركع

وانتى الى عليا هتندمي
و تباتي تبكي و تحلمي
ولو بكيتي ميت سنه
صبحت دموعك عندي انا
متساوئش
ولو ناويه فعلا ترحلي
اتفضلي وماترجعئش

.....

مش هتكلم
ولا اقول للناس
غدرت بيا
هقول قدر
و فراقنا كان مش بإيديا
و زى الدنيا

ما ضحكت ليها

ضحكت نفس

الضحكه عليا

و راحت من سكه

وانا من سكه

تا هت ف السكه

و الف خساره ما قابلتنيش

الف خساره ما قابلتنيش

إفكريني

.....

مهما بعدنا

ليالى طوال

مهما الغربه

ليلها طال

افتكريني

مهما بعدنا

ع الاشواق

مهما زما

لينا اشتاق

افتكريني

ف لحظة صدق

ويا النفس

ف ضى النور

مع طلعة شمس

افتكرينى

مع كل ضحكه

ضحكناها

مع كل لحظه

عشناها

افتكرينى

مع كل ورده

على جبينك

مع كل سد

بينى وبينك

افتكرينى افتكرينى افتكرينى

أغراب

.....

اغراب عايشين دنيتنا

مسافات بنا وبين بيتنا

مهما تقرب سكتنا

بنشوف السكه ضباب

.....

ف الحى غريب يا قلبى

الضى بيان متخبى

مهما الشمع يكون جنبى

انواره دى نار و عذاب

.....

و غريب ومسافر تانى

يمكن يضحك لي زمانى

يوصف للفرح مكانى

و يجى يدق لي ع الباب

اغراب

إختيار

.....

الحب عمره

ما كان اجبار

ولا فيه الناس

يدونا قرار

يا حبيبي بايدينا بنختار

و كل اللي عليك

انك تختار

.....

اختار يا روى

بين طريقين

مع مين هتمشى

و هتروح فين

ف سكه جديده

من اولها

يا سكه هتمشى

وتكملها

و تمشى ف جنه

يا تمشى ف نار

كل اللى عليك

انك تختار

لا يا حبيبى مش بترجاك

ولا عمر قلبى هيستناك

ويوم ما تغيب

انا هنسى هواك

انت اللى نهيت

قصتي وياك
وانت اللي رجعت
من المشوار
و كل اللي عليك
انك تختار

سفر

.....

وسط الواقفين ف محطه

واقف وف ایدی شنطه

شایل فیها کام زکری

ویا خوفی من بکره

جی القطر و یقرب

الناس جواه تتغرب

....

واحد وف ایده مجله

طول السکه بیتسلی

واحد بیکلم جاره

یحکیله عن اسراره

واحد يشكى ويتألم
واحد تانى بيتكلم
افراح دخلت مع احزان
صنعت لون دنيا الانسان

.....

او عى تخاف
يوم م المجهول
غير رزقك عمرك ماتنول
يمكن بكره يطلع مر
لكن بعده الفرح يطول
و ارضى دايمًا بالمقسوم
انت ما تعرف
ايه ف اليوم
كلمة واحد جه يواسينى

شاف دمه

نزلة من عيني

فراقنا مش نہایہ

.....

مش دی ہی النہایہ

لکن یا حبیبی بدایہ

بدایۃ سکھ جدیدہ

بایدینا تبقی سعیدہ

دا شبابنا حلم جمیل

قدامنا عمر طویل

و قول افرح یا زمانی

مافیش یادنیا عذاب

ممکن نتقابل تانی

و لو یا حبیبی اصحاب

دی الدنیا ہی الدنیا

معاك او مش معاك
مش راح تتغير ثانيه
علشان قصة هواك
و معايا او مش معايا
فراقنا مش نهايه

.....

بلاش دموع العين
يا حبيبي بلاش احزان
محناش اول اتنين
يخونهم الزمان
و ياخذهم موجه العالى
و يضيعوا مع التيار
ويضيع الحلم الغالى
و معاه شمس النهار

ياما قلوب تاهت
تاهت وسط الزحام
ساعة ما الشمس مالت
قالت كفايه كلام
بلاش تبكى يا حبيبى
خلى عيونك تنام
دى الدنيا هى الدنيا
معاك او مش معاك
مش راح تتغير ثانيه
علشان قصة هواك
و معايا او مش معايا
فراقنا مش نهايه

.....

اضحك ساعة الفراق

يا حبيبى بلاش دموع
انده على الاشواق
اياك تطفى الشموع
بكره تحتاج لنور
يضوى ف ليل السهر
دى الليله اخر ليله
يظهر فيها القمر
و او عى تقول انتهيت
ولا ليه جه يوم حبيت
لكن دايم يا حبيبى
قول يا دنيا ابتديت
دى الدنيا هى الدنيا
معاك او مش معاك
مش راح تتغير ثانيه

علشان قصه هواك
و معايا او مش معايا
فراقنا مش نهايه

من صغر سنی

.....

من صغر سنی

و غصب عنی

بقول بحبه

هواه فتنی

بالعین اسرنی

ومشیت ف دربه

لا لا یا سیدی

ماهوش بایدی

ولا هو ذنبه

.....

غزال وشارد

و قلبی فارد
والله ایدیه
اول ما شوفته
و بالعين لمحتہ
جريت عليه
مقدرش اخبی
حبہ فی قلبی
طب ذنبی ایه

.....

لقت حیاتى
نسيت اهاتى
لما شغلنى
و آه يا دنيا
يا حاجه تانيه

فی بعده عنی
لما یجینی
و تشوفه عینی
قلبی یغنی
من صغر سنی

أرق نغمایه

.....

یا ارق نغمایه ف عودی

هواکی کان سر وجودی

و کان سوالی و ردودی

طب قولی ازای

من غیرك اعیش

یا غنوه حلوه ف الحانی

یا لحن مقسوم علشانی

قلبك زمان

کان عنوانی

فین المكان

دلوقتی مفیش

انا قلبی باقی
علی عہدہ
حبك ف قلبی
و لوحده
ولا حب تانی
جہ بعدہ
انا احب غیرك ماتصدقیش

بحبك صدقینی

.....

بحبك صدقینی

بحبك قد عینی

لا لا اكرت بكتیر

بحبك غنا عصفیر

بحبك غنوه ف لیلی

نغمه صافیة ف مواویلی

و بحبك قد سنینی

بحبك صدقینی

بحبك ایوه یا قمری

بحبك شمس ف عمری

و بحبك احبك احبك

و منایا افضل جنبك
و أشوفك قدام عینی
بحبك صدقینی
وبحبك قد حیاتی
امتی یا حیاتی لقاکی
لو شوفتی قلبی الاخضر
تلاقیه دایب ف هواکی
و هیقولك اسعد لحظه
اللی بقضیها معاکی
و هیقولك قد سنینی
بحبك صدقینی

ف قلوبنا مطرح

.....

ف قلوبنا مطرح

تعالوا نفتح

للحب باب

نرقص نغنى

إيه يجرى يعنى

و ننسى العذاب

لو نبكى ليله

طب امتى نفرح

و احنا شباب

على صوت غانا

طابت جراح

من غیر دوا
علی صقفه واحده
کل القلوب
رقصت سوا
فی لیل سهرنا
و نهارنا اصبح
نسمه هوا
یا دنیا طیری
و خلیکی دایما
فارده الجناح
خبینا تحته
خلینا ننسی
ایه الی راح
دا القلب صافی

عمره ما يعرف

غير السماح

أمی

....

حاسس بالوحشه

و بندهك

جوايا ريحه من طفلك

يا امی غطینی بضلك

خلینی اشکیک همی

یا اول من شوفته بعینی

یا عمری ویا کل سنینی

حضنك دا كان بیدفینی

بتمنی لو جیتی ف حلمی

و القاکي جنبی وحديکی

بتشیلئ دمعی بإدیکی

و لغاية ما بيدن ديكى
لو غفيت عيني بتسمى
محتاجك اكر من صغرى
قوينى يا رب و زيد صبرى
و زى ما كنتى بتدعى ف عمرى
واقف بدعيلك يا امى

شادی فی رمضان

.....

كنت ف يوم قاعد مع شادی

و شادی دا اصغر اولادی

قاللی یا بابا

ایه رمضان

و هو محبه لیه و غفران

قولت یا شادی دا شهر وحید

والشهر دا منحه من الرحمن

رمضان مش فزوره و غنوه

لا دا معانی کتیره و حلوه

نشعر فیه بألم المحروم

م الجوع عینه ماتدوق النوم

و اللى يبعد كدا عن ربه
يرجع تانى يحزن قلبه
و نقرا كتير ف كتاب الله
ويا سعده اللى ربه هداه
و ف رمضان نخرج زكاتنا
نطهر بيها مالنا و ذاتنا
و نرفع إيدنا نقول يا هادى
تقبل اعمالنا السنه دى
عرفت بقى يا حبيبى يا شادى
ليه رمضان شهر و مش عادى

رحله

.....

و احنا ف وسط البحر نادانى

جانى يقول حاول تنسانى

و بعد ما كانت عينه سفينتى

و فرحة قلبه هى المرسى

عايز منى انى تنسى

يمكن بحار تانى مكانى

ولا زمانه عدى زمانى

ولا سفينته عايزه ترسى

على شط بعيد عن احزانى

علشان كدا عايز ينسانى

انسى قد ما تقدر انسى

شوف لك قلب يكون لك مرسى

علم قلبك ازای یقسی

و انا هتعلم ازای انسى

عايز منى انى انسى

شایف ف عینیک

.....

شایف ف عینیک

یا حبیبی کلام

ینده ع الحب و ع الاحلام

و ضحکه جمیلہ

لو تضحکها

تعیش العمر

مع الانعام

....

اول ما عینیک

قابلت قلبی

ما عرفتش اقول

ولا اخبی

و اداری ازای عنك حبی

و قلبی ملیان اشواق و غرام

.....

دنیتنا دی ملك ایدینا

لو ایه نطلب راح تدینا

هنعیش علی طول مع بعضینا

ولا نحسب فات ولا فاضل کام

شایف ف عینیک یا حبیبی کلام

المیه بتکذب الغطاس

.....

المیه یا حبیبی

بتکذب الغطاس

و انا قلبی یوم ما حبک

حب بجد و اخلاص

و مش عارفه لیه دلوقتی

حسه بانه مش وقتی

فیه واحده غیر ی ف قلبک

طب لیه تطلع خوان

انا قلبی داب فی حبک

و قلبک دا دون جوان

علی طول علی قلبی داس

يعنى اتسلى و خلاص
الميه يا حبيبى بتكذب الغطاس

.....

تحلف و تقول برئ
بحب بحق و حقيق
مش ممكن اصدقك
علشان باين عليك
شايفه ف نظرة عينيك
كلام مش ع الشفايف
هتقوله بس خايف
يا حبيبى وفر عليك
مايقيتش تأثر فيا
زى ايامك زمان
انا قلبى داب فى حبك

و قلبك دا دون جوان
على طول على قلبى داس
يعنى اتسلى و خلاص
الميه يا حبيبي
بتكذب الغطاس

.....

لساك تكذب و تخون
و تقول يا احلى عيون
كفاياك و كفايه خداع
شارياك و ادى قلبك باع
باع عمرى باع هوانا
شوفت بعينى الخيانه
و امر المر يانا
شعورى باللاهانه

و حياتك لأرد هالك
بكره الايام جيا لك
لكن دلوقتى خلاص
راح ادور ع الخلاص
الميه يا حبيبى
بتكذب الغطاس

هتلف الدنيا

.....

هتلف الدنيا

على حصانك

و هنرمي ورانا

احزانك

و هنسمع اجمل

الحانك

و نغني غنوه

علشانك

و ان كنتي هتقفي

ف مكانك

ضمينا يا دنيا ف احزانك

قلبی انا

.....

قلبی انا ف هواکی اسیر
لو فیہ بلاد یا حبیبتی اسیر
و اکون معاکی اطلب رضاکی
دانتی القمر منک بیغیر

بارسم مستقبل

.....

برسم مستقبل وردی
و بنام واحلم علی قدی
بحلم بأمان یا بکره
و کام سکه علیها نعدی

ف العشق يا ولدى

.....

ف العشق يا ولدى

خاف م المد

و حاسب من موجه

تاخذك فوق

حاسب على ايدك

يوم م المد

ليجيك يوم ابد ما تفوق

و ان حبيت اعشق ع القد

تعوم بسلامه ف بحر الشوق

قلبی و قلبك

.....

قلبی و قلبك

رايحین فین

اوعی تقول

لا مش عارفین

انت عارف

بس خایف

تسهر لیل زی العاشقین

باشکی همومی

.....

باشکی همومی لبحر

من بعد ما راح حالی

والدنیا دارت بی

و الرزق بقی رحالی

طلعت لی سمکایه

ف عینیها دمعایه

قالت لی روح یا عم

دانا ببکی علی حالی

ماتخافيش

.....

ابدا يا حبيبتي ماتخافيش
حبك مرساه ف القلب يعيش
انا قلبى يطير زى العصافير
و ارجع و بقول زيك دا مافيش
خايفه من ايه ابعدى خوفك
قمرى سهران نفسه يشوفك
و العين وياه ماتدوق النوم
يا عيون حبيبتي ماتناميش

إلى روح الغندليب الأسمر

عبد الحليم حافظ

.....

رغم سنين الغياب

ف القلب محبتك

يا موعود بالعذاب

وحشتنا غنوتك

دقت قلوب احباب

و سكتت دقتك

محتويات الكتاب

م	المحتوى	الصفحة
#	بطاقة الكتاب	2
#	إهداء	3
1	وتدور الدنيا	4
2	أرجوك	7
3	وحياة غربتنا	9
4	ماتصدقش	11
5	ولا عمرى	13
6	همسات	15
7	محتار	17
8	ديمو دوم تيكى	19
9	قلبى بيهرب	21
10	قلبى بحار	23
11	لو غير عينى	26
12	علشان كلمة	29

34	حكم الدنيا	13
38	برغم بعادك	14
41	أتحداك	15
43	قلبي يللى صبحت عليل	16
46	مافيش منك اتنين	17
49	ضياح	18
51	مين اللى قال لك	19
54	افتكرينى	20
56	أغراب	21
58	اختيار	22
61	سفر	23
64	فراقنا مش نهاية	24
69	من صغر سننى	25
72	أرق نغمايه	26
74	بحبك صديقينى	27
76	فى قلوبنا مطرح	28

79	أمى	29
81	شادى فى رمضان	30
83	رحلة	31
85	شايف فى عينيك	32
87	الميه تكذب الغطاس	33
91	هاتلف الدنيا	34
92	قلبى أنا	35
93	بارسم مستقبل	36
94	فى العشق ياولدى	37
95	قلبى وقلبك	38
96	باشكى همومى	39
97	ماتخافيش	40
98	إلى روح العنديل	41
99	محتوى الكتاب	42